


聖濟總錄

百卷

庫文閣内	
番號	漢 12609
冊數	200 (165)
品號	300 212





大德寺藏書目錄卷第一百六十七

小兒

小兒受氣初生將護法

小兒口瘡

小兒口瘡

小兒疳積

小兒疳積

小兒驚風

小兒驚風

小兒泄瀉

小兒泄瀉

小兒疳積

小兒疳積



大學東  
校典舊  
局之印

大德重校聖濟總錄

大德重校聖濟總錄卷第一百六十七

小兒門

小兒受氣初生將護等法

小兒口噤

小兒撮口

小兒鵝口

小兒重腭

小兒臍風

小兒臍瘡

小兒解顛

小兒顛陷

小兒變蒸

日本醫學書局



小兒變蒸

小兒驚風

小兒疳積

小兒疳積

小兒驚風

小兒疳積

小兒驚風

小兒疳積

小兒驚風

小兒疳積

小兒驚風

小兒疳積

小兒驚風

大醫家法卷一百六十七

小兒統論

論曰小兒初生氣體稚弱膚革不能自充手足不能自衛保護鞠育蓋有所待自受氣至於胚胎由血脉至於形體以至筋骨毛髮府藏百神漸有所就而後有生蓋未生之初稟受本於父母既生之後斷臍洗浴擇乳襁褓皆有常法謹守其法無所違誤猶或胎氣稟受有強弱骨骼所具有成虧而壽數之修短係焉是以昔人於字乳之法至纖至悉初生之時先去惡血去血之後次與丹蜜惡血在裏則吐利以除之氣有所虧則灸炳以助之或呵臍或衛顙然後飲乳用哺無令傷風無令驚





恐庶幾其有成也苟失其養疾疢因之故解顛重膠連  
斷撮口重舌癩癩口噤軀啼之類得諸胎中驚啼客忤  
中惡魘病之類得諸感襲乳哺不節則有癖結哺露丁  
奚傷飽之患肥甘過度則有諸疴之疾以至風寒暑濕  
致寇於外五藏六府感傷於內無不成病者今集慈幼  
之法自初生至於成童凡證候可調者悉著于篇云

### 小兒初受氣法

凡小兒受氣在娠一月胚二月胎三月血脉生四月形  
體成五月動六月筋骨立七月毛髮生八月藏府具九  
月穀氣入胃十月百神備而生生後六十日日瞳子成

能頰笑識人百日任脉生能反覆百八十日尻骨成能  
獨坐二百一十日掌骨成能匍匐三百日髓骨成能獨  
倚三百六十日爲一期膝骨成乃能行此是定法若有  
不依期者必不壽也

### 小兒初生法

小兒始生肌膚未成不可煖衣煖卽令筋骨緩弱不可  
不見風日不見風日卽令肌膚脆軟衣被宜故絮勿用  
新綿天氣和暖令乳母與之俱戲日中數見風日則血  
凝氣剛肌肉鞣密堪耐寒暑若常在幃帳重衣溫煖譬  
如陰地草木輒脆易傷又當薄衣薄衣之法當從秋習



之勿於春夏卒然減去恐中風寒冬月常令衣適可禦寒則佳愛而煖之適所以害之也又當消息無令汗出卽致虛損晝夜寤寐皆宜慎之其飲食乳哺不能無痰癖常當節適若微不進仍當將護凡不能進乳哺則宜下之不致寒熱也又小兒始生生氣尚盛無有虛勞微惡卽須下之所損不足言其益多矣若不時下則疾成難治冬月下之最難將護然有疾者亦不可不下夏月下後腹中常小脹滿當節哺乳護之兒之乳哺宜令多少有常兒稍大食哺自能稍增若減少者是腹中已有小不調便當微與藥勿復哺之但乳之而已甚者十餘

日輕者五六日自當如常若都不食哺而但飲乳者此是有癖不可不下卽致寒熱或吐而發癩或致下痢若先治其輕則病速愈矣小兒有少病癩者母懷娠時役動骨血卽令氣強若侍御多血氣微胎養弱卽兒軟脆易傷故多病癩兒須多著頂衣取燥菊花爲枕枕之母乳兒時摸兒風池若壯熱卽須熨使微汗微汗不差便灸兩風池及背第三顛第五顛第七顛第九顛兩邊各二穴與風池凡爲十穴一歲兒七壯兒大者以意增之可至三十壯唯風池特宜多七歲以上多至百壯小兒常切慎護風池風池在頸項筋兩邊有病乃治之



尋常不可妄施鍼灸亦不可輕於吐下緣鍼灸傷經絡吐下動府藏故也但當以除熱湯浴之除熱散粉之除熱赤膏摩之又以臍中膏塗之令兒處涼時以新水飲之新生無疾慎不可逆鍼灸逆鍼灸即忍痛動脈因而成癩河洛間土地多寒兒喜病瘧其俗生兒三日多逆灸以防之又灸其頰以防噤又決舌下以去血江東吳蜀地溫無此疾古方雖傳有逆鍼灸之法今人不詳南北之殊便案方用之爲害最多惟田舍小兒任其自然皆無此患又云春夏不可下以小兒府藏軟弱易虛易實下之則下焦必虛上焦生熱熱即增痰自非當下之

病不可下也

論小兒初生將護法

小兒新生出胎便以綿裹指拭口中及舌上青去其惡血此謂之玉銜若不急拭啼聲一發即入腹成血病矣若兒生下不作聲者當取冷水灌之須臾當啼又以葱白細細鞭之即啼兒之初生速當舉之舉之差晚則令寒中腹內雷鳴仍先浴之後速斷臍不得用刀惟令人隔單衣咬斷兼將煖氣呵七徧然後結之所留臍帶令長至兒足若短即令兒腹中不調常令下痢若先斷臍然後浴者則臍中水而發腹痛其臍斷訖臍連帶中多



有蟲宜急去之不爾入腹生疾又尿清者冷也與中水同此當令兒腹痛大啼呼面青黑是中水之過當灸之至八九十壯若輕者但臍腫出汗時時啼呼擣當歸末傅之或炙綿絮熨之宥至百日乃愈者又法兒初生宜以父故衣裹之若生女宜以母故衣裹之勿與新帛切須依法令兒長壽

小兒取吐胸中惡血法

小兒洗浴斷臍襌抱畢宜取甘草如中指一節許打碎以水二合煮取一合綿沾與兒吮之約得一蜋殼許入腹即止兒當吐去胸中惡汁如得吐餘藥更不須與若

不得吐可消息與之若更與而又不吐者但稍稍與之令盡一合止如得吐令兒智慧無病一合盡都不吐者是兒胸中無惡血耳勿復與之乃與朱蜜以鎮心神定魂魄也

初生兒服朱蜜法

小兒初生三日中須與朱蜜只不宜多多則令兒胃冷腹脹喜病陰癩氣急變噤則瘞而死也惟以真飛鍊丹砂如大豆許赤蜜一蜋殼和之綿沾與兒吮之得三沾止一日吮盡連三日與之則三豆也勿令過此與朱蜜訖可與牛黃如朱蜜多少牛黃益肝膽除邪熱定精神



止驚悸辟惡氣去百病

小兒始哺法

小兒新生三日後應開腸胃助穀神可研米作粥飲如乳酪厚薄以大豆許與嚙之類燕三豆許止日三滿七日方與哺凡兒生十日始哺如棗核又十日倍之五十日如彈丸百日如棗令兒無疾哺之太早而多者頭面身體生瘡愈而後發令兒尪弱難長

揀乳母法

乳母以血氣爲乳汁五情善惡悉血氣所生凡擇乳母欲其喜怒不妄情性和善而已他亦不可求備但形色

不惡相貌稍通無胡臭瘦瘠瘡疔疥癬白禿癰瘍藩枕失切脣耳聾鼈鼻顛眩等疾便可飲兒

乳小兒法

凡乳兒不欲太飽飽則嘔吐若太飽者以空乳含之則消夏不去熱乳令兒嘔逆冬不去寒乳令兒欬痢凡欲乳兒先令乳母捏去乳汁按散熱氣勿令乳汁奔出奔出卽令兒噎若噎便出其乳候氣歇定良久復飲之又每侵早捏去宿乳乳母共兒臥當令兒頭與乳齊乃飲之若頭低乳高則嚙飲不快又小兒初生一月內常與豬乳飲爲佳



乳母忌慎法

小兒飲乳則乳母當知禁忌不爾令兒百病由之而生  
大忌之法春夏不得衝熱與兒乳令發熱疳并嘔逆秋  
冬不得以冷乳與兒令腹脹羸瘦乳母嗔怒次不得哺  
兒令患狂邪乳母醉不得哺兒令患驚癇天癆急風等  
乳母有孕不堪哺兒令患胎黃及脊疳乳母有疾不得  
哺兒令患癩癘風病乳母吐後不得哺兒令嘔逆羸瘦  
乳母傷飽不得哺兒令多熱喘急乳母忌食諸豆及醬  
熱麩生冷之類若兒患疳即不得食羊肉及魚凡乳母  
不得以綿衣蓋兒頭面及不得以口鼻吹着兒顙衣服

忌着新綿百日內不得以油膩手襁抱及不得令火炙  
襁褓令兒染熱病若冬中大寒以火炙乾衣被且置地  
上少時熟接令冷煖得所然後用之如乳母行房氣息  
未定便哺兒亦致多病未滿月內所驅使人亦不得令  
有所犯到兒前恐惡氣觸兒

小兒相法

兒生枕骨不成者能言而死膝骨不成者能踞而死掌  
骨不成者匍匐而死踵骨不成者能行而死臏骨不成  
者能立而死又初生頭四破者不成啼聲散者不成汗  
不流小便凝如脂者不成此其大畧也



不瀉浴兒法

凡新生兒浴法

凡新生兒浴法豬膽一枚投湯中令兒終身不患瘡疥湯中勿添生水浴訖斷臍

新生兒三日浴法

桃根

李根

梅根各貳兩剉

右三味以水八升煮二十沸去滓浴之去不祥令兒終身無瘡瘍一方煎成去滓後入麝香末少許

治新生小兒驚辟惡浴金骨湯方

金壹斤

虎頭骨壹枚

右二味以水一斗煮取七升適冷煖浴兒佳凡浴兒

辟除惡氣令兒不驚不患瘡疥

虎頭湯方

虎頭骨伍兩

苦參兩

白芷兩貳

右三味以水一斗煮二十沸入豬膽汁少許適寒溫

浴兒

治兒少小身熱李葉湯方

李葉不拘多少

右一味以水煮熟去滓適寒溫浴兒

又方

白芷根苗煎湯浴兒良



又方

苦參煎湯浴兒良

治新生兒卒寒熱不住不能服藥用六物莽草湯浴之方

莽草

丹參

蛇牀子

桂各參兩

菖蒲半斤

雷丸壹斤

右六味剉碎以水五升煮三五沸適寒溫浴兒避日

向陰處

治小兒卒客忤吐下乳哺面青黃色變弦急浴之方

錢七十文以水三升煮令有味適寒溫浴兒

凡尋常浴兒法

右以湯添水着少鹽浴兒後以粉傅之若無事勿數

浴恐遇風冷令兒發驚成癩

小兒口噤

論曰夫小兒初生便得口噤不能飲乳者此由在胎時其母府藏有熱熏蒸胞胎熱氣入兒心脾致初生後口中忽結熱於舌上加黍米大令兒不能吮乳名之曰噤也

治小兒口噤瓜蒂散方

瓜蒂柒枚

全蠍壹枚微炒

赤小豆貳柒粒



右三味搗羅為散每服粥飲調下半錢匕服後以吐  
為効量兒大小加減服之

治初生兒口噤不開舌不能飲乳方

蜘蛛

壹枚去足及口炙令焦細研

猪乳半合

右二味將猪乳和蜘蛛末分為三服徐徐灌之

治小兒初生口噤不開方

右取赤足蜈蚣半枚去足炙令焦研為末以猪乳二

合和分三四服與之差一方用人乳汁

治小兒口噤其病在咽中如麻豆許令兒吐沫不能乳

哺水銀方

右以水銀如黍米大與兒服覺病不問早晚水銀下  
咽便愈以意量之不過小麻子許為度百日兒不可  
過如小麻子許

治小兒口噤體熱方

右取竹瀝一合令溫分三服差

又方

右取雀屎一枚為末看乳頭上與兒飲差

又方

右取鹿角粉大豆末各少許相和塗乳頭上與兒飲

差



又方

右取驢乳二盞豬乳一盞相和煎得一盞半時取少許與兒服差

又方

右取牛口齒草絞汁塗口上差

又方

右取白牛尿塗口中差

又方

右取東行牛口沫塗口及額即止

又方

右取雞屎白如豆大三枚以水下差

小兒撮口

論曰小兒初生未滿七日面赤喘促啼聲不出乳哺艱難名爲撮口蓋因胎中受風挾熱始生之時氣血未定洗浴當風襁抱失宜遂成斯疾最爲急切宜速治之

治小兒初生胎熱撮口麝香散方

麝香

研

丹砂

研各壹分

蛇蛻皮

壹尺炙令赤爲末

右三味細研如粉每用半字匕津唾調塗兒唇上日

五七次

治小兒初生撮口不收乳方



治小兒蜈蚣

壹條赤足者

右一味去足炙微黃研為細末以乳汁一合調半錢

七分三四服溫灌之

治初生小兒撮口不收乳飲烏蛇散方

烏蛇

酒浸去皮骨炙令黃熟半兩

麝香

壹分研去筋膜

右二味將烏蛇搗羅為末同麝香再研勻每服半錢

煎荊芥湯調灌之

治小兒撮口及發噤方

晚蠶蛾

貳枚炙令黃

右一味研為末蜜和塗兒口唇內

治小兒初生撮口釣藤湯方

釣藤

升麻

黃芩

去黑心各半兩

蜣螂

貳枚去翅足微炒

右四味麤搗篩每服一錢匕水一小盞入蘆根半分

煎取五分去滓放溫徐徐服量兒大小加減

治小兒因剪臍傷風致唇青口撮保生散方

蜈蚣

壹條赤足者炙令乾

烏頭尖

陸枚生用

麝香

研壹字

右三味除麝香外搗為末同研極細每服半字匕煎

金銀薄荷湯調下

治小兒撮口方



赤足蜈蚣壹條 棘剛子伍枚

右二味燒成灰飯和為丸如麻子大每服三九至五丸乳汁下

治小兒臍風撮口丹砂丸方

丹砂研 麝香研 牛黃研各壹分

半夏湯洗柴 丁香白附子

鐵粉研 天麻 天南星各半兩

右九味搗研為末用粳米飯丸如麻子大每服五丸荆芥湯下空心午後各一服量兒大小以意加減

治小兒胎風熱撮口發噤牛黃竹瀝散方

牛黃研壹分 淡竹瀝半合

右二味每服牛黃一字匕用淡竹瀝調下一二歲兒服之三四歲兒每服半錢日三服量兒大小以意加減

小兒鵝口

論曰小兒初生口中有白屑如米粟狀鼻外亦有乃至舌上生瘡謂之鵝口此由胎中稟受穀氣偏多既生之後心脾氣熱上熏於口致成斯疾蓋心主舌脾之絡脉散舌下故也

治小兒初生連舌下有膜如石榴子中膈連其舌下微



微令兒語不發不轉方

右以爪摘斷令微有血出無害若血不止可燒髮灰作末傳之止

治小兒鵝口方

右取栗房以井華水濃煮汁以綿纏筋頭沾拭之如無栗房以栗木皮代

治小兒鵝口方

右取柘木根淨洗細剉五升無根只以弓材亦佳水一升煮取五合去滓更煎二合頻頻拭齒口即差  
治小兒鵝口不能飲乳牛黃散方

牛黃壹分

爲末

右一味用竹瀝調勻瀝在兒口中

治小兒鵝口不能乳方

右取白鵝糞以水絞取汁瀝在口中

又方

右取黍米以水研取汁塗拭之

治小兒鵝口并噤白礬散方

白礬壹分

丹砂研各壹分

右二味和研極細傅兒舌上日三次以亂髮揩舌上垢令淨即差



治小兒鵝口方

右以指纏亂髮以溫水掠之三日忽絕甚効

治小兒鵝口方

右以馬牙消細研為粉每用一豆大塗舌下日三次

小兒重脛

論曰小兒初生上脛有物脹起若懸癰或如蘆籜盛水之狀者名曰重脛此乃脾胃挾熱血氣不能收斂令口中舌下或在脛頰如吹小脬速宜以綿纏長鍼微露鋒芒刺腫處決去惡汁則其病可消若再生亦宜再刺不爾則脹滿口中妨害乳食呼吸不可緩也

治小兒重脛重斷腫痛口中涎出牛黃散方

牛黃

龍腦

丹砂各壹分

太陰玄精石

壹兩 鉛霜 兩

右五味各細研為散再和研勻每服半錢匕先於重舌上以鉞鍼破出血用鹽湯洗拭口然後摻藥於

口中神効

又方

驢乳

豬乳各壹合

右二味相和煎至二合時時與兒服之

又方



玄明粉

太陰玄精石各壹分

鉛霜半分

右三味同研令細少少傅之

又方

右以蛇蛻皮燒灰研令細以少許傅之効

又方

右取露蜂房燒灰細研以水和塗口中立愈

又方

右取焙煤以水調塗之

小兒臍風

論曰新生小兒既斷臍之後臍瘡未愈不可外犯風邪及浴水入瘡濕冷褊抱皆致臍風其候臍腫多啼甚則風行百脉口噤不乳身體反強乃致不救

治小兒初生至七日臍風發腫欲落者錦灰散方

錦帛

燒灰微存性壹錢

雄鼠糞

微炒柒枚

大棗

去核參分

麝香

研少許

右四味搗研為散看臍欲落不落即用藥封之切忌

外風入

治小兒初生斷臍了便傅此散免一臘內臍風天漿散

方



天漿子枚 亂髮性半錢 蜈蚣燒灰

羚羊角燒灰壹錢 麝香壹分

右五味研令勻細纔割臍了便用少許傅之

治小兒臍風白龍散方

天漿子有蟲者壹枚 白殭蠶直者炒壹枚

右二味搗羅為散入膩粉少許以薄荷自然汁調灌

之取下毒物神効量兒大小分作二服亦得

治小兒臍風腫神灰散方

雄鼠糞柴枚兩頭尖者是 乾薑棗大壹塊

白旣帶壹團 緋綿 胡粉炒如金色

白石脂各半兩

右六味存性燒為灰相和細研加少許麝香為散看

臍欲落不落即封臍便差如未患傅之終不患也燒

藥時不得令有別灰入

治小兒臍風久不差腫出汁者牡蠣散方

牡蠣壹枚 蝦蟆壹枚

右二味並燒為灰細研如粉每以少許傅臍中甚驗

治小兒着臍風汁出當歸散方

當歸切焙半兩 甘草炙剉壹分 鉛丹研半

右三味除鉛丹外搗為散入鉛丹合研令勻以傅臍



中差

治小兒臍風汁出不止黃藥散方

黃藥

去麤皮壹兩半

釜底黑煤

研參分

亂髮灰

研壹分

右三味先搗黃藥為末入二味合研令勻傅臍中差

又方

當歸

右一味搗羅為末時傅之

治襪襪中小兒臍風撮口法

右視小兒上下斷當口中心處若有白色如豆大此病發之候也急以指爪正當中指之自外達內指令

匝微血出亦不妨又於白處兩盡頭亦依此指令內

外斷應手當愈

小兒臍瘡

論曰小兒初生當先洗浴然後斷其臍斷臍後便當以熟艾封裹之或灸數壯勿令犯濕若先斷臍後洗浴揩拭不乾或為邪氣所傷或為水入臍中皆致臍瘡也瘡過百日者雖差或風邪入裏則變為癩矣

治小兒臍不乾白礬散方

礬石

燒灰

龍骨

各壹分

右二味細研傅臍中取差為度



治小兒臍風汁出甘草散方

甘草炙

螻蛄炙魚各壹分

右二味搗羅為散摻傅臍中差

治小兒臍赤腫汁出不止白石脂散方

白石脂兩壹

右一味研為散熬令溫撲臍中日三

治小兒滿月臍不乾方

蝦蟇伍枚

右一味燒灰撲臍日三

治小兒臍中水濕腫赤汁出時時啼呼當歸粉方

當歸末

胡粉各半兩

右二味相和研勻傅臍中仍炙絮熨之以啼呼止為候

治小兒臍濕熨方

右取鹽豉搗作餅子如錢大於新瓦上熬令熱更互熨之亦可以黃藥末傅之一方用鹽二兩豉二合同搗作餅熨之

治小兒臍瘡久不差方

乾蝦蟇大者壹枚燒灰 白礬壹分燒灰

右二味研細每用少許傅之以差為度



治小兒臍瘡汁出不乾黃藥散方

黃藥去麤皮壹兩半為末金下墨研參

亂髮灰研壹分

右三味同研勻細少少傅之

治小兒臍中汁出國老散方

甘草炙剉壹分當歸焙鉛丹研各半分

右三味搗羅二味為散入鉛丹同研勻細撲臍中日

三

治小兒臍濕逾月不止三灰散方

乾蝦蟇燒白礬燒皂莢子燒各壹分

右三味細研少傅臍中

治小兒臍久不乾赤腫膿出及清水當歸散方

當歸焙

右一味為末極細少少着臍中頻用之頃有小兒嘗

病臍濕五十餘日用此一傅即乾後因尿入瘡復病

又一傅愈

小兒解顛

論曰腎主身之骨髓腦為髓海腎氣和平則骨髓充足  
骨髓充足則顛顛圓成若腎氣不足則骨髓不充年雖  
長大頭縫尚開故名解顛亦名顛解  
治小兒解顛顛大身有痼熱頭面汗出腹脹欬嗽上氣



肩息足蹇脛交三歲不行鍾乳丸方

鍾乳粉研

防風去

生乾地黄焙

牛黃研

甘草炙

漆花各壹分

右六味搗羅為末以犬腦髓為丸如麻子大每服二

丸至三丸米飲下早晨午時日晚各一服更量大小

以意加減一方以豚腦丸

治小兒解顛細辛散方

細辛去苗葉

桂去麤皮

乾薑炮各壹分

右三味搗羅為散以乳汁和塗顛上

治小兒腦長喜搖頭解顛牛黃丸方

牛黃

漆花

甘草炙

白朮

防風去

鍾乳粉

生乾地黄

焙各壹分

右七味搗羅為末用犬腦髓為丸如麻子大每服二丸至三丸溫水下早晨日午晚後各一服更量兒大小以意加減

治小兒解顛顛門開解封顛散方

柏子人炒

細辛去苗葉

防風去

白及各壹兩

草烏頭炮兩半

右五味搗羅為細散乳汁調塗顛開處



治小兒解顛不合蟹足散方

生蟹足骨焙乾 白歛各半兩

右二味搗羅為散乳汁和塗顛上以差為度

治小兒鼻多涕是腦門為風冷所乘甘菊花湯方

甘菊花壹兩 甘草炙壹分 防風去義半兩

山茱萸去核壹兩

右四味麤搗篩每一錢匕水一盞煎至六分去滓分

溫三服早晨日午晚後各一量兒大小以意加減

治小兒鼻多涕是腦門為風冷所客細辛膏方

細辛去苗葉半兩

右一味用油一合同煎令黑色去滓下蠟少許煎化  
停凝每日三度薄塗顛上

治小兒顛開不合合顛散方

防風去義 白及 柏子人各壹兩

右三味搗羅為散用乳汁調少許塗顛上以合為度

治小兒腦長髮大顛開不合臂脛小不能勝頭半夏散

方

半夏湯洗去滑 芎藭 桂去麤皮各壹兩

草烏頭拾枚炮裂去皮臍 細辛去苗葉貳兩

右五味細剉以酒四升漬一宿煮令微熱漉出綿裹



溫熨顙上朝暮二三十遍良

治小兒腦長顙不合雞血塗方

右取丹雄雞一隻將就小兒顙上割其冠使血滴顙  
訖以赤芍藥末粉血上

治小兒解顙腦縫開不合防風丸方

防風去義

鍾乳粉

牛黃研

白朮各半兩

熟乾地黄焙

甘草各參分

右六味搗羅為末鍊蜜丸如梧桐子大每服二丸溫  
水化下隨歲數加減服

治小兒解顙顙縫不合塗傅膏方

蛇蛻燒灰

豬頰骨髓各少許

右二味調和為膏塗顙上日再易

小兒顙陷

論曰人之沖氣內圍於胃上通顙頂小兒胃氣沖和則  
腦髓充成顙頂漸合若胃熱熏蒸府藏則渴而引飲因  
致泄利令府藏血氣虛弱不能上充髓腦所以顙陷也  
治小兒藏府壅熱氣血不榮致顙陷者生乾地黄散方

生乾地黄兩焙貳 烏雞骨壹兩酥炙黃

右二味搗細羅為散粥飲調下半錢匕不拘時候

治小兒胃虛血氣不充顙陷當歸湯方



當歸焙切

白朮

人參

黃耆剉各壹兩

訶梨勒煨去核半兩

甘草炙剉壹分

右六味麤搗篩每一錢匕水七分煎至三分去滓分溫二服不拘時候

治小兒氣血虛弱顛陷不平乾地黃丸方

熟乾地黃焙

芍藥

當歸焙切

白朮各半兩

桂去麤皮壹分

右五味搗羅爲細末鍊蜜和丸如黍米大每服七丸粥飲下乳食前量兒大小加減

治小兒顛陷方

狗頭骨

右一味炙令黃搗羅爲末雞子清調塗之又方

天靈蓋

右一味炙令黃搗羅爲末生油調塗之

治小兒顛陷方

豬牙車骨髓

右一味煎如膏塗顛上

小兒變蒸

論曰小兒初生稟受陰陽之氣水爲陰火爲陽水火相



逮而後陰陽變革由胚胎而有血脉由血脉而成形體  
以至府藏具精神全無非陰陽水火之氣故三十二日  
一變六十四日再變且蒸變卽上氣蒸卽體熱三百二  
十日而十變五蒸是爲小蒸畢又六十四日而一蒸凡  
四蒸揔五百七十六日而變蒸足氣血就每當變蒸則  
情態異常輕者體熱微汗似有驚候耳體皆冷重者壯  
熱脉亂或汗或否大率與溫壯相似特耳與體不熱爲  
異爾此乃血氣增長無用調治唯忌傍人或致驚動任  
之五日以上至十日自定或熱甚連數日者服黑散發  
汗熱不止者服紫雙丸小差便止勿復服之亦有或早

或晚不拘口數者亦有臨變蒸時爲寒邪所加者寒熱  
交爭腹痛天矯必啼呼不止但驗其耳與體審得其證  
者或熨痛處後兼以治寒邪之藥

治小兒變蒸中挾時行溫病或非變蒸時而得時行者  
黑散方

麻黃

去根節沸湯  
掠過半兩

大黃

剉炒  
壹分

杏仁

湯浸去皮尖雙  
人麩炒黃半兩

右三味先搗二味爲末別研杏仁如脂和散又搗令  
調勻內密器中一月兒服小豆大一粒以乳汁和服  
抱令得汗汗出溫粉粉之勿使見風百日兒服如棗



核許

治小兒變蒸發熱不解紫雙丸方

代赭搗研如粉

赤石脂搗研如粉各壹兩

巴豆參拾枚去心皮出油盡

杏人伍拾枚去皮尖雙人麩炒黃

右四味先以巴豆杏人等別搗如膏和代赭二味末

搗二千杵相得入少蜜搗之仍須密器中收三十日

兒服如麻子一丸與少乳汁令下食頃後與少乳勿

令多至日中當小下熱若未全除明日更與一丸百

交日兒服如小豆一丸量兒大小加減小兒夏月多熱

令發疹二三十日一服甚佳代赭須真者若無以左

顧牡蠣代之

治小兒初生血脉盛實寒熱溫壯四肢驚掣發熱大吐

哕者若已能進哺飲食不消壯熱及變蒸不解中客人

魁氣并諸驚癇悉藥龍膽湯方

龍膽

鈞藤

茈胡去苗

赤茯苓去黑皮

桔梗炒

黃芩去黑心

芍藥

大黃剉炒各壹兩

甘草炙

蛻蝦去翅足炙

當歸切焙

人參各壹兩

右一十二味鑊搗篩一二歲兒每服一錢匕以水五

分煎至三分去滓溫服三四歲兒每服一錢半匕水



一小盞煎至五分去滓連夜三四服量兒大小加減服之

治小兒變蒸經時不止挾熱心煩啼叫不歇骨熱面黃此胡湯方

此胡去苗

甘草炙

人參

玄參各壹兩

龍膽兩

麥門冬去心焙壹兩半

右六味麤搗篩每服一錢匕水八分盞煎至四分去滓溫服不拘時更量兒大小加減

治小兒變蒸熱氣乘心煩躁啼叫不已及骨蒸煩熱前胡湯方

前胡去蘆頭

龍膽

甘草炙

人參

麥門冬去心焙各壹兩

右五味麤搗篩每服一錢匕水七分煎至四分去滓食後量大小加減溫服



大德重校聖濟總錄卷第一百六十七





